

**Maktubm gɛn k-dige kɛn Pɔl
raaŋiŋ Timote ki
Kupm mɛtn taar taadjeki
ɔobm gɛn dooy maktubm gɛn
k-dige kɛn Pɔl raaŋiŋ Timote ki**

Maktubm Timote gɛn k-dige, ɔk dɛjŋ Pɔl kɛn kaam mɔɔtn. Kaaf kɛn se Pɔl dangay ki (koŋ 2.9), ɔɔ dɛn jeege rɛsiŋga (koŋ 1.15; 4.10-16), ɔɔ naaŋ jeele ɔɔpiŋga baata naaŋ utu 'kooyo. Taa naaŋ se ɔo naaŋ taad Timote ki, debm naade tɛɔo naaba tɛɛ, kɛn naaŋ jɛŋ aan gɔɔ goon maakiŋ se taadiŋ ɔɔ ŋ'ing lapi. Maktubm kɛn Pɔl raaŋ Timote ki se, taad mɛtn taar kiŋgiŋa, gɛn naabiŋa, ɔɔ gɛn dooyiŋ kɛn naaŋ dooyo jeege, gɛn dubariŋ kɛn naaŋ ɔŋo taa Labar Jiga gɛn Isa al-Masi se. ɔɔ naaŋ taad taar kɛn naaŋ dɛj Timote. Pɔl dɛj Timote ɔɔ ɛdiŋ kaay kaama kici taa naabm al-Masi se, naaŋ utu dabara (koŋ 2.1-13). Pɔl tɛrl taadiŋ ɔɔ taar Raa se ŋ'taadiŋ ute ɔoobiŋa (koŋ 2.14; 4.15). Taa naaŋ se Timote an kɔnd te roŋa ɔɔ ŋ'ɔŋte kiŋg naajŋ taara do taarge tun mɛtiŋa. Jee tujge se, ŋ'tɛrlden naaga, ŋ'uun bɔlɔtn kiŋg Pɔl jiga se. Nakiŋ jaay Pɔl ute jee dooygen kuuy dooyo jee Raage se, naai 'tɛdiŋ ute ɔoobiŋa. Naaŋ taadiŋ ɔɔ, Kitap se k'lee k'dooyiŋa. Taargen maakdege tu se «jiga aak eyo gɛn dooy jeege, ɔɔ taargen kɛn k'lee dooy jeege mɛt ki ey se ɛ, naaŋ taad tɔɔk mɛtiŋ toodŋ tal. ɔɔ Kitapm Raa se ɔnd jeege do ɔoob ki ɔɔ taa jeege 'tɛdn nakiŋ ute ɔoobiŋa naan Raa ki» (koŋ 3.16).

Pəl raan̄ əl təəs̄in̄ Timote ki

¹ Kən ara maam m'Pəl ʒo m'raan̄i maktubm se, maam kən *m'debm kaan̄ naabm Isa al-Masi aan ɔo kən *Raa maakin̄ jen ro ki. Naan̄ ʒo ɔlumo taa m'ʒaa taadn̄ jeege tu taar kaajn̄ kən naan̄ taadga taad ɔo utu 'kɛdn̄ jeege tu ute doobm Isa *al-Masi se.

² Maktubm se maam m'raan̄in̄ naai Timote ki, goon maak-jema: ɔn̄ Raa Bubū ute Mɛljɛge Isa al-Masi tɛdn̄ bɛɛdɛ, ai kɛɛjn̄ doi ki ɔo ai kɛdn̄ lapia.

*Pəl təəm Raa taa Timote
(2Tim 2.1-12; Ep 1.3-7; 2Tɛs 2.13-15)*

³ Maam se m'təəm Raa kən maam m'lee m'tɛdn̄ naabin̄ ute maakn̄ kalan̄ aan ɔo ɔɛn ɔugumɛn lee tɛdo do dakin̄ se. Nəoɔo katara, kən maam jaay m'ʒaan̄ ʒaa keeme se, daayum maam m'tənd metin̄ taa naai Timote.

⁴ Kən maam m'saapo do keemi kən naai eemo taa maam se, maam m'je ute maakum paac tɛrl m'ai ʒaa kaakn̄ ute kaamum jaay ʒo, maakum 'raapo.

⁵ Maam m'saap do kaal maaki kən mala mala kən naai aal do *al-Masi ki se; kaal maakn̄ bin se ɔugi mɛnd Lois naan̄ kic aalo maakin̄ do Raa ki jaay ʒo koi Enis kic ʒo aalo maakin̄ bin kici ɔo ʒorse maam jeel maakum ki, naai kic ʒo aal maaki do Isa al-Masi ki bin kici.

Pəl ɛd kaay kaama Timote ki

⁶ Taa naan̄ se ʒo m'je m'ai taada: 'saap do naabm kən Raa ɛdisin̄ ɔɛn tɛda se, kaad kən maam m'əndo jim doi ki. ɔo naabm se ɔnte 'dirigin̄a.

7 Taa Nirl ken Raa edjekiro se ajeki tedn j'aki beer eyo, num *Nirl Raa se, edjeki gaab-togɔ, maak-je do jeege tu ɔɔ tedjeki k'boɔb j'ɔkki rojege.

8 Taa naan se bo ɔnten tedn sɔkɔnɔ gen tedn saadn Meljege; ɔɔ ɔnten tedn sɔkɔnɔ taa maam ken j'ɔkum dangay taa *al-Masi. Num gan 'dabar ute maama taa Labar Jigan gen Isa ute togɔn Raa ken edi se.

9 Raa se naan bo debm aajjekiro jaay danjekiro taa j'aki tedn jee naange. Num naan tedn naan se taa naajege bo k'tedkiroga ted nakn jig eyo, num taa beɛn ken naan mala maakin jen ro ki. Ɔɔ beɛ ese se, naan tedn ute doobm Isa al-Masi kaad ken naan taad te taa kaal do naan ey bɔrtɔ,

10 ɔɔ bɔrse, Mel Kaajjege, Isa al-Masi se baado sum se, beɛn se, naan taadin toodga tal. Taa Isa al-Masi se naan ɔk togɔ do yo ki, ɔɔ yo se naan tedga aan gɔɔ nakn cɛrɛ; ute Labarin Jiga se Isa baanoga te *kaajn gen daayum ken 'kɔn daar eyo.

11 Taa Labar Jigan ese se bo, Raa tedum m'tedga *debm kaan naabm Isa, debm wɔɔkn taariɔa ɔɔ debm dooy jeege.

12 Taa naan se bo maam m'utu m'dabar dabar rɔk se. Naɔo sɔkɔn tɔɔlum eyo, taa debm maam m'aal maakum don ki se le, maam m'jeeliɔa ɔɔ naan ɔk togɔn ken 'boɔbm nakgen paacɔn ken naan ɔnɔmsin kaam jim se bini 'kaan ɔii ken kaam mɔɔtn ken Raa utu 'kɔjn boɔrɔ do jeege tu paac.

13 Ute kaal maaki ɔɔ ute maak-je ken naai ɔk do jeege tu ken doobm Isa al-Masi ki se, taar mɛcɔn ken maam m'dooyi se, 'ɔaa te naan se.

14 Taar ken jiga ken maam m'dooyi se 'boɔbin maaki ki jiga. Ɔɔ *Nirl Salal ken utu maakje ki se

ai noogo.

¹⁵ Naai 'jeele genaagen paacn ken taa naan Azi ki se, resumga. Maakde ki se Pigel ute Ermogen kici.

¹⁶ Un Meljege 'tedn been maakn bee Onezipor ki. Taa Onezipor se daayum edum kaay kaama oo ken maam maakn dangay ki se kic bo, naan sokon toolin eyo taa maama.

¹⁷ Anum ken naan aan maakn geger ken *Rom ki sum se, naan jem worok worok bini jaay baa onuma.

¹⁸ Un bii ken kaam moatn Raa kon boro do jeege tu se, Meljege Isa al-Masi an keejn don ki naan Raa ki. Bee ken naan tedumo maakn geger ken Epez ki paac se, nam jaay jeelin aan goo naai Timote se goto.

2

*Asgar gen *al-Masi*

¹ Naai goonuma, ok maaki toogo do bee ken doobm Isa al-Masi ki se.

² Oo taar ken naai 'booyo maam m'dooyo jeege naan saadge tun den se, taar se 'baa dooyin jeege tun 'booy kon metin mec taa naade 'kon kaasn dooy taar se jeege tun kuuy kici.

³ Naai kic 'dabar te maama aan goo asgar Isa al-Masi ken mec.

⁴ Asgar jaay je 'tol deb ken uunin se, naan olin te nakgen jeege lee ted se ey sum.

⁵ Aak jee taange se: debm aan aanga te doobina oo aanga deet jaay bo, j'aalin aace*.

* **2:5** Kaal aacn ara se je taadn ute laatn toom ken j'ondin don ki.

⁶ Debm aay kaamin kurs maakŋ-gōtiŋ se, kēn maakŋ-gōt se jaay oojga num, naan̄ ɓo kōsn nakiŋ deete.

⁷ Saap jiga do taarge tun maam m'taadi se. Ɔo Mɛljege ai tɛdi naai 'jeel kōkŋ mɛtn nakgen se paac.

'Saap do Isa kēn ooy teeco daan yoge tu se

⁸ Saap do Isa *al-Masi ki: naan̄ se teeco mɛtjil Gaar *Daud ki. Naan̄ se ooyga ɔ duro daan yoge tu ɔ kɛse ɓo Labar Jigan kēn maam m'lee m'taad jeege tu se.

⁹ Taa Labar Jigan se ɓo, maam m'dabar bini, k'j'ok k'dɔokum aan gɔɔ debm kēn tujga tuj dim. Naɓo taar *Raa se, j'an̄ kōŋ gaas eyo.

¹⁰ Taa naan̄ se ɓo, maam m'serk nakge paac taa jee kēn Raa bɛɛr tɔɔddenga tɔɔd do dōkiŋ se, taa naade kic 'kōŋ kaaja ute dōobm Isa al-Masi ɔ 'kōŋ *nookŋ gen daayum.

¹¹ Booyo! Taargen ese se taargen mɛt ki:

Kēn naajege jaay j'ooykiga te naan̄ se,
j'utu j'aki kōŋ kaaja te naan̄ kici;

¹² kēn naajege jaay k'dabarki ute naan̄ se,
j'utu j'aki ɓaa kōsn gaara te naan̄ kici.

Kēn naajege jaay k'baatiŋkiga se,
naan̄ kic ajeki baat naajege kici;

¹³ kēn naajege jaay k'tujkiga ɔrmjege se,
naan̄ se, daayum tuj ɔrmiŋ eyo,
taa naan̄ se 'kōŋ baatn roŋ eyo.

Debm tɛdn naabm jiga naan Raa ki

(1Tim 1.3-7,18-20; Tit 1.10-16, 2.11-15; 2Pr 2.1-22)

¹⁴ Taargen se paac 'tɛrl taaddesiŋa. Naan Raa ki se, 'taadden ute tɔɔgi paac: j'ɔŋte tɛdn dɛkɛŋɛ do

taarge tun mētinge se. Taa naajñ taara se nakñ cεε ɔɔ 'kutn jee kēn lee booyñ se.

¹⁵ Aay kaami, naan Raa ki se 'tɛd debm mεcñ kēn 'tɔɔl Raa ki, ɔɔ tɛd aan gɔɔ debm tɛdn naabm kēn ɔk ɔkɔñ eyo kēn taad taar Raa mɛt ki ute doobiña naan jeege tu.

¹⁶ Ɔɔd doi do taarge tun jeege lee ul rēñ rēñ jaay rēsñ ute doobm Raa se. Taa jeege lee tɛdn naañ ese se, naade daayum tɛd *kusiña ɓaa ute naandɛ.

¹⁷ Taar naade se aan gɔɔ du kēn ɔñ eep eyo ɔɔ ɔs ɓaa ute naaniña. Imεε ute Piletɔs se, mɛtn jee se kici.

¹⁸ Jee se rēsñga ute taar mɛt ki. Ɔɔ naade taad jeege tu ɔɔ: kaadñ kēn Raa utu dur jeege ooyga kooy se, deelga. Bin ɓo jee utu aal kaal maakde do Isa ki se, naade tujdenga kaal maakde se kici.

¹⁹ Num gan mɛtn taar kēn Raa uuno mētiñ se, utu iñg gɔtiñ ki tak; naañ se tec aan gɔɔ kuun mɛtn ɓee kēn k'raaññ ro ki j'ɔɔ: «Mɛljege Raa se, jeel jeeñge» ɔɔ «Debm jaay taadga ɔɔ naañ gēn Mɛljege se, ñ'ɔɔd don ro kusiñ ki.»

²⁰ Debm maal ɔk ɓee magal se maakñ ɓeeñ ki se, ɔk nakgen k'daapde ute daab ɔɔ te pudda sum eyo. Num maak ki se ɔk nakgen j'ɔɔde te nēñje ɔɔ kēngen kaagge ɓo k'cɔɔc k'daapde kici. Nakgen jiga se, k'j'ɔɔdde ute ɓiñ ɓiña ɔɔ kēngen mētinge se, kēn k'lee k'tɛdn naaba ɓii-raa.

²¹ Bin num debm kēn ɔɔdga don ro kusiñ ki ɔɔ tɛd ron *salal se, naañ tɛdga aan gɔɔ nakñ jiga, kēn mēliñ ɔɔdiñ ute ɓiñ ɓiña. Ute naañ se naañ tɛdn naabgen jiga kēn mēliñ maakiñ jen ro ki.

Debm tɛdn naabm Mɛljege

22 Anum nakɲ *kusiɲ kɛn gaan kɔdɔge maakde je se, naai iik ro ki dɔkɔ. Num 'je nakɲ te doobiɲa, daayum aal maaki do Raa ki, je jeege ɔɔ daan jeege tun lee eem Meljege ute maakɲ kalan se, naai iɲg te tɔɔsɛ ute naade.

23 Bin num, bɛrɛ, ɔɲte kɔl doi do naajɲ taarge tun rɛɲ rɛɲ gɛn jee dɛrlge se. Taa naai 'jeele, naajɲ taargen bin se, lee baano baa ute mooyo.

24 'Jeele debm tɛdn naabm Meljege se, 'kɔɲ mooy te jeege eyo. Num naan 'tɛdn debm je jeege paac, jeel dooy jeege ɔɔ sɛrkɲ jee naajɲ taarge.

25 Jee kɛn lee naaj taara se, naai 'taadden te taar urlu. Bin sum bo, daan Raa utu adɛn tɛrl maakde ɔɔ naade utu 'jeel taar mɛt ki,

26 ɔɔ naade 'tɛrl 'tɛdn jee mɛtɛkge ɔɔ adɛ kɔɲ teecɲ maakɲ ji *Bubm sitange tun kɛn ey num tɔkdenga tɔk bulu gɛn tɛdn maakjɛɲa.

3

Biigen kaam mɔɔtn se utu 'tɛdn ɔɲɔ

1 Daala 'jeele! Biigen kaam mɔɔtn se, jeege kingde utu adɛn tɛdn ɔɲɔ.

2 Taa biigen kaam mɔɔtn se, jeege 'tɛdn jee nakɔɲge, 'je gurs, 'tɛdn jee koonge ɔɔ 'magal rode. Naade 'naajɲ *Raa ɔɔ 'tookɲ taar kɛndege ute bubdege eyo. Jee se, bɛɛ kɛn k'tɛdden se kic bo naade jeele eyo. Nakɲ kɛn jee Raage aaliɲ maak ki se, naade uum aaliɲ naaj ki;

3 naade se kɛn 'tɛdn *kusiɲa jeege tu kic bo ɔlden dɪm eyo, ɛɛj do jeege tu eyo, 'tɛdn jee kɔɔdn jeege, naade ɔɲ bɔɔb ɔk rode eyo, tɛdn kusiɲ jeege tu kic bo maakde raap sakan, ɔɔ nakɲ bɛɛ tap bo, naade je eyo;

⁴ naade je kudn gɔɔ jeege, 'tɛdn jee maak-taarge, naade magal rode aak eyo ɔɔ nakn daa rode ɔɔ je se, naade jɛn cir Raa.

⁵ Deere, naade se, kɛn aakde num 'dɛekn ɔɔ jee se, jee ɔk taar Raa ɔɔnɔ, num naade se, tɔɔgn Raa tap ɔɔ, naade ɔɔd undin naata. Anum jee se, naai ɔɔd doi rode ki dɔkɔ.

⁶ Maakde ki se, jee mɛtinge lee goon ɔɔ baa ɔɔ mɛndge tun ɔk tɔɔgɔ doobm Raa ki eyo ɔɔ aasin do rode ki eyo, ɔɔ mɛndgen se ɔk maakje do nakge tun jig eyo kɛn ɔlden maakn kusiin ki. Jee se lee dɛrlde taa adɛn kɔkn kaam jide.

⁷ Mɛndgen se je ɔɔ 'dooy jeele taar mɛt ki, naɔɔ naade ɔn booy ɔkiin eyo.

⁸ Aan gɔɔ Janez ute Jambrez* baate tookn taar *Musa se, jee se kic ɔɔ baate tookn taar mɛt ki. Naade se jee tɔɔj eyo ɔɔ kaal maakn kɛn naade ɔɔ aal do Isa ki se kic ɔɔ, cɛɛ sum.

⁹ Anum naabde se 'kɔn baa dɔk eyo, taa jeege utu adɛn jeel paac, naade se jee tɔɔj eyo aan gɔɔ Janez ute Jambrez se.

Pɔl dɛj Timote

(2Kɔr 6.3-10; 2Pr 1.19-21; NJKN 20.28-31)

¹⁰ Naai Timote se uunga bɔɔɔtuma maakn dooy kɛn maam lee dooyo jeege se, kinguma, nakgen kɛn maam m'saap do ki gɛn tɛda, kaal maakum do Isa ki, maakum kɛn deere, maak-je kɛn maam m'ɔk do jeege tu, kaay kaamum se,

¹¹ dubar kɛn jeege lee dabaruma ɔɔ dubar kɛn maam mala m'lee dabara. Naai 'jeele nakn kɛn

* **3:8** Do dɔkiin se, Janez ute Jambrez se jee kɛn lee ooj rode gen dɛrl jeege taa naan Masar ki.

jeege tɛdʉmo dom ki maakŋ gɛgɛr kɛn Antioʂn kɛn taa naan Pizidi ki, ute kɛngen maakŋ gɛgɛrge tun Ikoniom ute kɛn Listir ki se, deere, gɔtn se jeege dabarunga dɛn aak eyo. Gaŋ Mɛljege ɔdʉmoga doma maakŋ nakge tun se paac.

¹² Anum 'booyo! Jee paacŋ kɛn je kɔkŋ dɔobm Isa *al-Masi ɔŋ se, naade se jeege utu aden lee dabara.

¹³ Anum jee *kusinge ute jee kɔrdge se lɛ, utu 'tɛdn kusin 'baa ute naande. Naade utu 'derl jeege ɔ naade kic jeege utu aden derl naade kici.

¹⁴ Num naai Timote taar kɛn jeege dooyio jaay naai 'tooko ɔ aal maaki do ki se, ɔkin tɔɔgɔ. Taa jeegen dooyio taar se jaay naai 'took do ki se lɛ, naai kic 'jeelde.

¹⁵ Deere, gɔtn naai iin baatiki tap ɔo, naai 'jeel taargen salal kɛn k'raaninoga raan maakŋ Kitap ki ɔ taargen se ɔo ɔk tɔɔgɔ kɛn ai tɛdi naai 'jeel taara kɛn ai kaaja ute kaal maaki kɛn naai aal do Isa al-Masi ki se.

¹⁶ 'Booyo: Kitapm Raa se kɛse Raa mala ɔo kɛn ɔl jeege raaninɔ. Taar se jiga aak eyo gen dooy jeege, ɔ taargen kɛn k'lee dooy jeege mɛt ki ey se lɛ, naan taad took mɛtin tood tal. ɔo Kitapm Raa se ɔnd jeege do dɔob ki ɔo taa jeege 'tɛdn nakŋ ute dɔobiŋa naan Raa ki.

¹⁷ Bin jaay ɔo, debm tɛdn naabm Raa se 'tɛdn debm mɛc, 'kɔŋ daapm roŋa ɔo tɛdn naabgen jiga jiga.

4

*'Taad Taar *Raa jeege tu*

¹ 'Booy m'ai taada: naan Raa ki əɔ naan Isa *al-Masi kən ade ɓaa kəjŋ bəərɔ do jeege tun zεεε əɔ do jeege tun ooyga kooy se, əɔ naan kən ade ɓaa aan gəɔ gaarge, m'əɔ:

² 'wəək Taar Raa jeege tu kən maakŋ gət kən jiga ey lε əŋ kic ɓo, aay kaami. Kən naai 'dooyde dooy se, daayum udden bia, uunde kaamde, 'dejde əɔ 'mooyde.

³ Taa kaadŋ utu 'kaan se, taar mεt ki se, jeege je an booy ey sum, num naade je ɓo 'tedn nakŋ kən maakde jea. Taa naan se ɓo naade 'lee ɓaa gətn jee dooyge tun den kən aden taadn taar kən aden kedn maak-raapo.

⁴ Taargen mεt ki se, naade 'je an booy eyo. Naɓo naade je ɓo 'booy taargen rεŋ rεŋ se.

⁵ Anum naai se, do nakge tu paac se, naai ing do mεteki ki. Kən dubar aanga doi ki kic ɓo, aay kaami serkiŋa, aan gəɔ debm kən lee wəək Labar Jigan gen Isa al-Masi. Ɔo naabi se, 'tedn nanjŋ ute doobiŋa.

⁶ Anum maam Pəl se lε, aan gəɔ j'ək k'təɔlumga *serke Raa ki. Ɔo bii kooyum lε əɔpga gəərɔ.

⁷ Maam se m'tedoga ted bəər jet. Ɔo maam m'aan m'aanga ute doobiŋa gətn kaan ki əɔ m'bəɔbga jiga doobm al-Masi.

⁸ Borse se, nakŋ kaal aacŋ ute doobiŋ* kən Raa amsiŋ ked se te booyum maakŋ raa ki. Kεse Meljegen debm daan kən utu kəjŋ bəərɔ do jeege tu se ɓo amsiŋ kedn bii kən se. Ɔo naan am kedn maam ki kalum ki sum eyo, num naan utu 'kedn jeege tun paacŋ jena əɔ utu ing aak kaamiŋ bii kən naan utu ade ɓaa se.

* **4:8** Aak 2Tim 2.5.

Pɔl ɛd labariŋ Timote ki ɔɔ dejiŋa

⁹ Bin se, aay kaami 'baado ɔŋum keske.

¹⁰ Taa Demas ɛ resumga, iin baaga geger ken Tesalonik ki taa naan uunga nakŋ *dunia ɔo ciri. Kresen se, j'ɔlin baaga taa naan Galat ki ɔɔ Tit kic ɔo j'ɔlin baaga taa naan Dalmati ki.

¹¹ Ɔɔp Luk kaliŋ ki sum ɔo te maama. Ken naai 'baado ɔaa num, Mark se 'baamsiŋo, taa naan se utu am noogŋ maakŋ naab ki.

¹² Tisik se, maam m'ɔlin baaga maakŋ geger ken Epez ki.

¹³ Ken 'baakiro ɔaa se, uunumo kal kuulum magal se ken maam m'ɔniŋo maakŋ geger Troas ki ɔɔtn Karpos ki se. Ɔɔ 'tɔs 'baamo ute kitapge ɔɔ ken maam jen tap tap se kengen k'teeldenga teel se.

¹⁴ Kɔd-kɔrdn-tɔɔl ken ron Alekzander se, tɛdumoga *kusiŋ aak eyo. Nakŋ naan tɛd se, Meljege utu ansiŋ terl don ki.

¹⁵ Naai kic ɔnd kɔnd te gaabm se, taa do taar ken naaje k'dooy jeege se, naan took do ki eyo paac paac.

¹⁶ Kaad ken deet deetn ɔɔtn kɔjŋ ɔɔr ki jaay, maam m'taad taargen am naakŋ kɔɔdn dom se, nam tap ɔo ɔaa te metum ki eyo. Jeege paac resumo. Taa nakŋ naade tɛd se, ɔŋ Raa ɔnte kɔkdesiŋ ɔɔŋo.

¹⁷ Naɔo Meljege mala se utu te maama ɔɔ naan ɛdumga tɔɔɔo bin ɔo maam m'taadga taariŋ jeege tu ute maraadiŋa ɔɔ taar Raa se, jeegen ken Yaudge ey se kic ɔo paac booyga. Ɔɔ Meljege se ɛ, aajumga taar tupiy ki.

¹⁸ Meljege se, maakŋ ɔɔt ken ɔɔŋo paac se utu am kɔɔdn doma ɔɔ am kaaja taa ansum ɔaa maakŋ

gaariñ ken maakñ raa ki. Ɔñ daayum daayum Meljege se, jeege añ *nooko. *Amin!

Pəl nañ taariña əə raañ əl təəsiñ kaam məətn

¹⁹ 'Təd təəse Priska ute Akilas ki əə 'təd təəse jeege tun maakñ ɓee Onezipor ki kici.

²⁰ Erast se əəpoga maakñ geger ken Kərint ki əə Tropim ɛ, maam m'əñiñoga maakñ geger ken Mile ki, taa naañ kəəñə.

²¹ Kər kaadñ kuulu 'kaan se, 'naar 'ɓaadɔ əñuma. Ebul, Pudən, Linus, gənəə mənd Klodia ute gənəage paac tədɪ təəse.

²² Ɔñ Meljege se 'tədñ ute naai. Ɔə əñ naañ asen tədñ bəeñ naase ki paac.

Kitapm kɛn Raa dɔɔko kiji ute jeege New Testament in Kenga

copyright © 2012 Wycliffe Bible Translators, Inc.

Language: Kenga

Translation by: Wycliffe Bible Translators

Contributor: Wycliffe Bible Translators, Inc.

Copyright Information

© 2012, Wycliffe Bible Translators, Inc. All rights reserved.

This translation text is made available to you under the terms of the Creative Commons License: Attribution-Noncommercial-No Derivative Works. (<http://creativecommons.org/licenses/by-nc-nd/3.0/>) In addition, you have permission to port the text to different file formats, as long as you do not change any of the text or punctuation of the Bible.

You may share, copy, distribute, transmit, and extract portions or quotations from this work, provided that you include the above copyright information:

You must give Attribution to the work.

You do not sell this work for a profit.

You do not make any derivative works that change any of the actual words or punctuation of the Scriptures.

Permissions beyond the scope of this license may be available if you contact us with your request.

The New Testament

in Kenga

© 2012, Wycliffe Bible Translators, Inc. All rights reserved.

This translation is made available to you under the terms of the Creative Commons Attribution-Noncommercial-No Derivatives license 4.0.

You may share and redistribute this Bible translation or extracts from it in any format, provided that:

You include the above copyright and source information.

You do not sell this work for a profit.

You do not change any of the words or punctuation of the Scriptures.

Pictures included with Scriptures and other documents on this site are licensed just for use with those Scriptures and documents. For other uses, please contact the respective copyright owners.

2015-03-17

PDF generated using Haiola and XeLaTeX on 18 Apr 2025 from source files
dated 29 Jan 2022
de2980b7-692d-557d-af49-da5784485d94